

PELO SINAL

Santa Cruz r-a'ang-ab-a r-esé, oré pysyrõ iepé, Tupã oré iar, oré amotar-e'yimb-ar-a suí. T-ub-a, T-a'yr-a, *Espírito Santo* r-er-a pupé. *Amém, Jesus.*

PAI NOSSO

Oré r-ub, ybak-y-pe t-ekó-ar, i mo-eté-pyr-amo nde r-er-a t'-o-ikó. T'-o-ur nde *Reino*. T'-o-nhe-monhang nde r-emi-motar-a yby-pe, ybak-y-pe i nhe-monhang-a iabé. Oré r-embí-'u, 'ar-a iabi'õ-ndûar-a, e-i-me'eng kori oré-be. Nde nhyrõ oré angaîpab-a r-esé oré-be, oré r-er-ekó-memûã-sar-a supé oré nhyrõ iabé. Oré mo-'ar-ukar umê iepé *tentação* pupé, oré pysyrõ-te iepé mba'e-aîb-a suí. *Amém, Jesus.*

AVE MARIA

Ave Maria, graça r-esé t-ynysem-ba'e, nde irũ-namo iandé iar-a r-ekó-û. I mombe'u-katu-pyr-amo ere-ikó kunhã suí. I mombe'u-katu-pyr-a bé nde membyr-a *Jesus*. *Santa Maria*, Tupã sy, e-tupã-mongetá oré i angaîpá'-ba'e r-esé ko'yr, irã oré iekyî oré r-u'-me-bé-no. *Amém, Jesus.*

SALVE RAINHA

Salve Rainha, mor-aûsub-ar-a sy, t-ekó-bé, s-e'ê-ba'e, oré i'-erobiá'-sab-a, *salve*. Nde-be oro-sapuká'-pukaî, i pe'a-pyr-amo, *Eva* membyr-amo. Nde-be oro-nheangerur, oré poasem-amo, oro-iasegû-abo ikó ybytygûaî-a iasegû-ab-a pupé. Ene'î, oré r-esé ieruré-sar, eboûi nde r-esá-por-aûsub-ar-a e-ro-bak oré koty. A'e *Jesus*, i mombe'u-katu-pyr-a, nde membyr-a, ikó i-pe'a-sag-ûer-a syk-'iré, e-s-epiak-ukar oré-be. Nheran-e'ym, mor-aûsub-er-ekó-sar, s-e'ê-ba'e, *Virgem Maria*. E-tupã-mongetá oré r-esé, *Santa Maria*, Tupã sy, t'-oré angaturã'-ne *Cristo* r-emi-enõî-gûer-a r-esé, oré iekosub-ag-ûam-a ri. *Amém, Jesus.*

CREDO DOS APÓSTOLOS

A-robîar Tupã-T-ub-a opakatu mba'e tetiruã monhang-a e'i-katu-ba'e, ybak-a, yby abé monhang-ar-a. A-robîar *Jesus Cristo* abé, t-a'yr-a oîepé-ba'e, asé iar-a, *Espírito Santo* i monhang-á'-pe pitang-amo o-nhe-monhang-y-ba'e-pûer-a. A'e-ba'e o-'ar *Maria* abá byk-ag-ûer-e'ym-a suí. *Pôncio Pilatos* mor-ubixab-amo s-ekó-reme, s-er-ekó-memûã-mbyr-amo s-ekó-û, ybyrá-îo-asab-a r-esé i mo-iar-y-pyr-amo s-ekó-û, i iuká-pyr-amo, i tym-y-mbyr-amo. O-gûeîyb yby apyter-y-pe. 'Ar-a mosapyr-a pupé, o-manõ-ba'e-pûer-a suí s-ekó-bé-îebyr-i. O-îe-upir ybak-y-pe. Tupã-T-ub-a opakatu mba'e tetiruã monhang-a e'i-katu-ba'e 'ekatuab-a koty s-en-i. A'e suí t-ur-i o-ikó-bé-ba'e, o-manõ-ba'e-pûer-a pabê r-ekó-monhang-a-ne. A-robîar *Espírito Santo*. A-robîar *Santa Igreja Católica*. A-robîar *Santos* r-ekó-katu iê-moîa'ó'-îa'ok-a. A-robîar t-ekó-angaîpab-a r-esé mor-upé Tupã nhyrõ. A-robîar asé r-ekó-bé-îebyr-a-ûam-a. A-robîar t-ekó-bé o-pá'-ba'e-ram-e'ym-a. *Amém, Jesus.*